

曝書亭集

第一函
函六冊

曝書亭集卷第十六

秀水 朱彝尊 錫鬯

古今詩 十五

玄默澗灘

出都王山人

翬

畫山水送別

王郎五載一相逢寫出雲巒別思重
髣髴攝山風月夜秋牕同聽六朝松

白草屯

白草屯空似戰場昏鴉點點入斜陽
舟依茅屋三間泊風動棗花四月香
去國不禁頻徙倚得歸寧復倦津梁
叢祠何處喧村社有底紛紛士女忙

入汴過胡司臬

介社

吳船千里載冬醅避暑長筵日日開却喜訟庭留牘少時看
官馬借書來

瓜步留贈張同知

柴車一出白頭還過嬾偏宜應接閒猶有故人能好事隔江
留看六朝山

寄陸侍御

隴其

主恩先後逐臣還羨爾幽棲泖一灣想得著書風幔底桂花
如霰落秋山

洞霄宮題壁

天柱峰高倚晚晴琳宮消歇斷碑橫砂牀竹下搜難得臥聽
山禽擣藥聲

江行三首

潮落江平宿富陽船頭新月下微霜曉看烏白紅千樹樹杪
半山鴨脚黃

絕壁苔紋鼠尾皴灘光晝靜白鎔銀分明江上孤蓬客黃鶴
山樵畫裏人

環溪亭下水流東野碓飛輪到面風返景松巖紅未斂隔江
人語漆林中

冬日同鹿明府

祐

錢廣文

瑞徵

游爛柯山二十韻

道書詮洞天青霞居第八流傳負薪翁披榛入垓北中有兩
青童綦聲暗相戛俄驚斧柯爛逝節等奔鶻此事知有無特
書在琳札我來太末墟十月方納秬曉出通仙門緣溪碎石
滑拂林風騷騷鳴碓水泚泚明府政不煩廣文俗能拔於焉
齊喚渡次第柅車轄飛梁忽在望相視笑且咀靈境茲最奇

造物亦太黠疑經百蟲焚或受五丁握連蜷虹霓偃垢膩神
鬼刮傾崖穿一綫斷塔盤禿鬣丹楓露已彫瑤草霜未殺剜
苔讀遺碑汲井恣拭刷昔賢鬪茶地昧者莫之察日斜洗行
廚得食鳥嘎嘎徘徊雙松陰惆悵別香剎

鹿鳴山晚眺二首

一簣山平遠雙林逕暗通不愁筋力倦且喜笑言同藉草荒
岡上疏泉碎石中新晴尤可戀移席憤王宮
近郭茲山好禪扉鎮日扃江光寒轉白峰色遠逾青亟種千
松樹宜添一草亭他時放歸櫂歌鳥試重聽

玉山

三衢山歷盡橋影跨通波十室居城少千家負郭多啓顏津
市酒隨意榜人歌且免書驢券郵籤次第過

廣信

信州風物好倦旅亦開顏
灘響層層石林疎面面山
狎鷗飛不去放犢飲初還
夜火浮橋外連船當戶櫺

鉛山

不遠江城路舟師指點遲
穴山巢鸛鵲編竹坐鸕鷀
晚飯惟三板朝醒藉一甌
鵝湖酬和地百世起人思

弋陽

城小斜依壁門開近面江
陂仍仙令跡歌換楚人腔
辣闌山無樹崢嶸石滿龍
多情甌塔影十里逐蓬牕

貴溪

亭榭均干越封圻析上饒
連山齊覆釜獨石忽成橋
想見黃梅發何曾碧樹彫
降丘誰宅此雞犬已寥寥

安仁

畫角衝寒動，明星際曉行。
水迴沙市曲，山到郭門平。
野碇啞啞轉，漁榔杳杳鳴。
誰與分百里，洵美得嘉名。

瑞洪

餘干江路永，回首失蘄岳。
市酒難爲醉，曾魚乍解饒。

自玉山至安仁

捕魚多用烏鬼魚皆無味至此始用罾

湖寬舟愈小，峰遠日初銜。
漸識宮亭近，分

風及布帆

自贛州至南安灘行口號二首

鬱孤臺下水，嘈嘈南去輕。
舟未易操灘，響逆流三百六。
篙師那得萬張篙。

且挂風帆溯急流，船人勸客莫深愁。
只應預想歸程樂，柔櫓嘔啞下吉州。

昭陽作噩

夜泊珠江

潮湧牛欄

城門名

外舟停蜚戶旁月高人不寐隔浦是歌堂

同屈五

大均

過五羊觀

仙人騎五羊墮地化爲石石今在琳觀仙人去無跡屈生嗜
奇古偶坐蔭松柏摩挲汴京碑不覺日西夕

觀有建中靖國碑

光孝寺觀貫休畫羅漢同陳

恭尹

賦

貫休手寫一十六羅漢其二乃在南海訶子林昔游真蹟未
得見念之三十五載縈人心白頭重作嶺南客故人期我虞
翻宅僧廊亂後花木猶瓏璵薤菜春生滿池碧循廊轉入精
廬深一幅居然挂東壁古綃尚白石轉青恰於石罅安疎櫺
一僧俛首力寫經自準以下祇半形芬陀利花貝多葉椽櫺

筆管毛猩猩不知金天之西何處得石硯母乃昆吾玉切新
出硯一僧却立侍巾鉞靜如沙鷺翹涼汀牕燈不翦信明滅
杪櫺樹底風泠泠牕前千歲老猿拱雙臂平叔兩肩聳筍鞵
桐帽木葉衣想見霜濃寒到踵精誠能令感金石何況羣生
知怖恐禪月師流傳三絕畫書詩詩編巨岳集書有姜體遠
本周之史籀秦相斯未若畫品更崛奇即如此幅遠出意匠
表或疑入定真容髣髴親見之不然調鉛殺粉能爾爲訶林
僧神物藉汝能世守不見宣和舊譜遺蹟久云亡豫章西山
雲堂院中亦何有我欲賺汝去莫飲我缸面酒我欲奪汝歸
玉鴉又不在手世間豈少珊瑚鐵網珍珠船自今貯之伏梁
闇檻庶可全

嶺海將歸梁吉士

佩蘭

載酒邀同屈

大均

陳

恭尹

吳

韋王準陳元基梁無技李煌燕集五層樓席上分賦

得會字

飛樓壓高城人天納萬籟登臨信可娛矧與羣彦會吉士澹
蕩人偕行屏軒蓋論交半簷笠雜坐緩巾帶樽中酒如泉海
大魚作鱠款款話別悰迢迢念歸旆於焉感昔游茲樓在晻
靄凝思躡丹梯興發不可奈惟時建雄藩自比夜郎大邸中
鑿園池巧匠恣雕繪水亭擬舟梁山木徙縱檜長姣羅美人
管庫斂文貝因之設厲禁游者必鉗欽一閉金獸鐸廿年委
榛薈修蛇穴其中妖鳥叫其外雖免劫火焚終遭颶風害人
事戒滿盈天意惡侈忤六師一以移漢將齊下瀨劉王舊花
塢金粉盡淘汰今來縱游觀足以動深嘅觴罷復凭闌遠目
豁矇眊祝融方司南尉陀臺占允萬井鬱參差百谷互陽昧

人影數沙蟲林梢亞蓬艾我非雲中君何緣出塵塏少陵有
遺詩將老斯游最

嶺外歸舟雜詩十六首

黃木灣西廟鼓撾春潮漾漾沒蒲芽翻嫌二月歸程早一路
攀枝未作花

蠻江豆蔻一叢叢牡蠣牆圍半畝宮貪看河頭采珠女輕帆
不趁酒旗風

枕外潮雞報二更朧朧月底暗潮生客心最喜舟師健貪趁
朝霞半日晴

船頭醺酒佛山過七尺烏篷疾似梭行到西南舊時驛驚心
榕樹已無多

三水城樓照落霞漁村處處見撈鰕夜來欸乃聽新曲不是

漁家是笛家

飛來寺脚束江濤徑入雙林磴轉高怪道褰簾蝴蝶至軍持
新插紫山桃

權郎鄉里面都黔撐盡筠篙禿指尖水飯乾魚烏欖豉生來
不食廣州鹽

紫棟花香映水牕舟從大廟出奔瀧晚來欲雨猶未雨峽裏
鷓鴣啼一雙

新開花縣壓層巒羣盜停探赤白丸不是邵陽王給事
又旦
滇陽行旅至今難

山坳一水忽分流兩岸多停楚客舟夜半東風齊笑語月明
打鼓上連州

彈子磯高高插天蓬牕未許客安眠尋常一色四更月獨有

此山啼杜鵑

曲江門外趁新墟采石英州畫不如買得六峰懷袖裏攜歸
好伴玉蟾蜍

修仁渡接始興江半挂魔幢半佛幢記得三楓舊曾泊更無
風雨打船牕

澹公山水入奇懷陸守頻營繡佛齋白社風流今已盡更誰

說法上丹崖

丹崖精舍表兄陸侯世楷守南雄日爲澹歸禪師建師
姓金氏諱堡中崇禎庚辰進士牧臨清州亂後隱於浮

屠後卒
於平湖

青篛竹尾鳳毛纖銀箸灘頭石角尖五里一瀧成十里虛勞
估客記郵籤

雄州郭外萬人家小店臨流大道斜纔是野薔薇落後白花
開遍苦丁茶

梁吉士以羅浮蝴蝶繭二枚贈行曲江道中一蝶先
出蓬底聯句成三十韻

故人贈我行方物當所選彝尊笥發詫駢羅中有蝴蝶繭沈
名蓀兩兩折枝挂一二槁葉卷昆田動搖槌懸風妥貼續綴冕
彝尊厥包同米囊其文比竹篆名蓀末如蟬翼輕齊女鬢垂
鬣昆田詩朋爭愛惜寘之黃篋簞彝尊薄寒巾密覆遲日牕
始展名蓀隔籠頻摩抄並棹迭窺昆田形隨秋燕蟄候早
春蛹蛻彝尊我夢為莊周栩栩與匪淺名蓀俄然一繭破有
若子初婉昆田停橈疾招呼急走忘足跣彝尊編爛五采錯
的皪九光炤名蓀層層金泥塗屑屑雲母碾昆田絲絲春江
濯幅幅朝霞翦彝尊孔鸞一毛截瑋瑁片甲輓名蓀眉過粉
蛾長翅類仙鼠扁昆田絢纁變周官繪繡備虞典彝尊曾聞

朱明洞大者如輪轉名孫悠揚千花叢下上百丈巘昆田或
云麻姑裙裂之在蒼蘚彝尊或云葛翁衣貯之在丹甌名孫
紛綸辭各異無乃傳者舛昆田夢想四百峰有約末由踐彝尊
未逢采雀靈徒說啞虎善名孫名山應見笑竦誚豈能免昆田
覩茲鳳凰子髣髴列仙遣彝尊入山夫何難歸與面有覲名孫
明當放汝還華首恣游行昆田

沈霖據石圖

差山高士隱織簾千金一致醫方兼餐花黑蛺蝶衣潤丸藥
碧梧桐子黏無絃之琴石上臥有洌者水沙中潛張生遠傳
寫陸生嘉淑讚題罷玉蟾蜍淚霑

秦吉了聯句

珍禽產邕管自呼秦吉了武進邵長蘅子湘脩脩羽儀澤炯炯眸

子瞭彛尊丹味漫多智黃距一何蹻長蘅尾輸山鷓長形陋么
鳳小商丘采犖牧仲批肉花冠鼓垂耳蠟光皎彛尊好語鎮間關
餘音或繚繞犖雖殊鳩舌蠻偶類雉鳴嘒彛尊宣和譜乃遺
爾雅釋未表屢奮躍不停獨立聲忽悄犖羈栖恣飲啄簾幕
信昏曉寄身在籠中結思仍木杪長蘅稟質洵云微即物嘅
詎少所以韓退之作賦感二鳥彛尊

闕逢閹茂

曉行圖

樹杪星星塔火收月殘衣上冷霜浮郎當風鐸穿林去莫是

曉行人姓劉

宋劉一止賦曉行詞
得名人號為劉曉行

白陽山人陳

括

折枝花

餅桃花仿吳公器風牡丹摹崔子西雨點露團猶在眼惜無

好鳥盡情啼

崑山謁宋劉處士過墓

荒榛斷碣小山陲
詞客當年亦可悲
蘆葉汀洲繫船夜
颯肩風雨渡江時
橐中青兕千金散
馬後焦桐一轡隨
辛苦東吳顧文學
湄邀人歲歲此題詩

積雨八首

自從甲子春來雨
四月從無三日晴
薄暮東風吹轉急
泊舟小水看潮生

水木陰陰夏尚寒
桑枝風戾幾曾乾
莫愁著屐衝泥遠
小舫撐過繡鴨灘

沒盡荷花紫草田
菱池新水芋陂連
畏寒不獨衰翁甚
年少冬衣未拆緜